

疆

邦

華

書



一

二

三

四

五

東堂詞目錄

水調歌頭

絳都春

清平樂 二十一

浣溪沙 二十三

天香

小重山 四

滿庭芳 二

攤聲浣溪沙 三

踏莎行 八

玉樓春 八

南歌子 三

八節長歡 二

驀山溪 四

臨江仙 二

洞仙歌

剔銀燈

水調歌頭 二

浣溪沙

武陵春 三

玉樓春 三

秦樓月

偏地花

夜游宮

訴衷情二

醉花陰二

減字木蘭花三

上林春令

帶人嬌二

惜分飛四

蝶戀花九

更漏子三

西江月四

青玉案四

河滿子

謁金門

七娘子二

雨中花二

夜行船二

鵲橋仙二

燭影搖紅三

憶秦娥二

武陵春三

點絳脣七

如夢令

玉樓春

生查子五

浪淘沙

菩薩蠻八

漁家傲三

于飛樂三

阮郎歸二

虞美人三

洛陽春

散餘霞

最高樓二

少年游

粉蝶兒

調笑十

感皇恩三

臨江仙

東堂詞

江山毛滂澤民

水調歌頭 元會曲

九金增宋重八玉變秦餘上手詔在延云六千年清浸

洗淨河洛出圖書一段昇平光景不但五星循軌萬點

共連珠崇寧大觀之間太史數奏五星循軌眾星順鄉罪有碎亂垂衣本神聖補袞

妙工夫朝元去鏘環佩冷雲衢芝房雅奏儀鳳矯首

聽笙竽天近黃麾仗曉春早紅鸞扇暖遲日上金鋪萬

歲南山色不老對唐虞

絳都春 太師生辰

餘寒尙峭早鳳沼凍開芝田春到茂對誕期天與公春

向廊廟元功開物爭春妙付與穠華多少召還和氣拂
開霽色未妨談笑 縹緲五雲亂處種彫菰向熟碧桃
猶小雨露在門光彩充闔烏亦好寶熏鬱霧城南道天
自錫公難老看公身任安危二十四考

清平樂 千葉芝

九重寒少煙暖豐瑤草金井碧梧雛鳳矯南極人來最
老 衣冠遠換裘氈德隨和氣蟬連萬里同開壽域一
年三秀芝田

清平樂

重芳疊秀風約仙雲皺椿不爭年松與壽共出皇家忠
孝 仁深枯冷皆蒙託根不倚東風日照恩光萬里暖

生塞草叢中

清平樂

鏤煙翦霧鞞鞞無層數
苜蓿青深煩雪兔引到祥華開
處 仙人手翳朝陽清都絳闕相將來
覆東封翠輦好
遮化日舒長

清平樂

九莖爲壽千葉前無有
葉葉年年看不朽天與君王意
厚 君恩雨露無邊玉筵暖接非煙馬向華山烽冷人
安草亦千年

清平樂絳河清

絳河千歲一照昇平事
萬里青銅開碧霽俯見南山晚

翠 紺寒不翅湘鄴清於練靜江澄流向萬年觴裏玉
波可但如灑

清平樂

銀河秋浪遙出崑崙上忽變澄瀾添碧漲可道昇平無
象 黃雲濁霧初開榮光休氣徘徊試覓當時五老金
泥玉檢將來

清平樂

天連翠澗九折玻璃輓回抱金隄清宛轉疑共蓬萊清
淺 吾君欲濟如何唐虞風順無多自有松舟檜楫一
帆三代同波

清平樂

太師相公生辰

娟娟月滿冉冉梅花暖春意初長寒力淺漸擬芳菲滿
眼當時吉夢重重閒生天子三公付與人閒桃李年
年管領春風

清平樂

瀛洲春酒滿酌公眉壽日照沙隄春傍柳恩暖朝天袞
繡東君著意丁寧芳酸先許梅英要就昇平滋味待
公來進君羹

清平樂

雪餘寒退唯有青松在春不加榮寒不悴用舍如公都
耐流肪磊砢龜蛇會留紅日西斜欲助我公壽骨蟠
桃等見開花

清平樂已卯長至作

流光電急又過書雲日舊是天津花下客老對山青水
碧而今轉惜年華遲陽爲緩西斜試問東君音信曉
寒猶壓梅花

清平樂東堂月夕小酌時寒秀亭下娑羅花盛開

雲峰秀疊露冷瑠璃葉北畔娑羅花弄雪香度小橋淡
月與君踏月尋花玉人雙捧流霞吸盡杯中花月仙
風相送還家

清平樂元夕

東風桂影低拂姮娥鏡鏡裏妝寒酥粉瑩越恁十分端
正素光行處隨人柳邊照見青春一片笙簫何處花

陰定有遺簪

清平樂春蘭用殊老韻

曲房青瑣淺笑櫻桃破睡起三竿紅日過冷了沈香殘
火東風偏管伊家賸教那與穠華誰送一懷春思玉
臺燕拂菱花

清平樂送賈耘老盛德常還郡時飲官酒於東堂二君

許復過此

杏花時候庭下雙梅瘦天上流霞凝碧袖起舞與君爲
壽兩橋風月同來東堂且沒塵埃煙艇何時重理更
憑風月相催
清平樂春夜曲

蘭堂燈炷春入流蘇夜衣褪輕紅聞水麝雲重寶釵未卸知君不柰情何時時慢轉橫波一餉花柔柳困枕前特地春多

清平樂與諸君小酌燭下見花戲作一首

風搖炷燼吹下桃花影醉倒碧鋪眠碎錦誰伴香迷酒凝少年不解孤春年來減盡春心猶下繡簾遮定不教風雨侵凌

清平樂

桃夭杏好似箇人人好淡抹胭脂眉不掃笑裏知春占了此情沒箇人知燈前子細看伊恰似雲屏半醉不言不語多時

清平樂 春晚與諸君飲

杯深莫厭強看桃花面
記約陽和初一線
便恁芳菲滿眼
明年春色重來東
堂花爲誰開
我在蘆花深處釣磯
雨綠莓苔

清平樂

錦屏夜夜繡被熏
蘭麝帳卷芙蓉長
不下垂盡銀臺蠟
燧臉痕微著
流霞膏騰越恁穠華
破睡半殘妝
粉月隨雪到梅花

浣溪沙

宴太守張公內翰作

碧霧朦朧鬱寶熏
和風容曳舞簾旌
花閒千騎兩朱輪
金馬天材文作錦
玉堂仙骨氣如冰
湖山何似使君

清

浣溪沙 尉圃觀梅

曾向瑤臺月下逢，爲誰回首矮牆東。春風吹酒退顛紅。
庾嶺殷勤通遠信，梅家瀟灑有仙風。晚香都在玉杯

中

浣溪沙 新春四夜松齋小飲微雪復止

謝女清吟壓郢樓，樓前風轉柳花毬。學成舞態卻多羞。
半落瓊瑤天又惜，稍侵桃李蝶應愁。酒家先當翠雲

裘

浣溪沙 仲冬朔日獨步花塢中晚酌蕭然見櫻桃有花
小圃韶光不待邀，早通消耗與含桃。晚來芳意半寒梢。

嬌
含笑不言春淡淡試妝未徧雨蕭蕭東家小女可憐

浣溪沙家人生日

日照遮檐繡鳳凰博山金暖一簾香尊前光景爲君長
不信臘寒彫鬢影漸勻春意上妝光梅花長共占年

芳

浣溪沙上元游靜林寺

花市東風卷笑聲柳溪人影亂於雲梅花何處暗香聞
露溼翠雲裘上月燭搖紅錦帳前春瑤臺有路漸無

塵

浣溪沙詠梅

月樣嬋娟雪樣清
索強先占百花春
於中燭底好精神
多恨肌膚元自瘦
半殘妝粉不匀
十分全似那人

人

浣溪沙 初春汎舟時
北山積雪盈尺而水南梅林盛開
水北煙寒雪似梅
水南梅鬧雪千堆
月明南北兩瑤臺
雲近恰如天上坐
魂清疑向斗邊來
梅花多處載春

同

浣溪沙 寒食初晴東堂對酒

小雨初收蝶做團
和風輕拂燕泥乾
鞦韆院落落花寒
莫對清尊追往事
更催新火續餘歡
一春心緒倚闌

干

浣溪沙寒食初晴桃杏皆已零落獨牡丹欲開

魏紫姚黃欲占春不教桃杏見清明殘紅吹盡恰纔晴
芳草池塘新漲綠官橋楊柳半拖青鞦韆院落管絃

聲

浣溪沙八月十八夜東堂作

晚色寒清入四檐梧桐冷碧到疏簾小花未了燭花徧
瑤瓚亭堆春這裏錦屏屈曲夢誰邊熏籠香暖索衣

添

浣溪沙九月十二夜務亭作

碧浸澄沙上下天曲隄疏柳短長煙月明不待十分圓
鑿落未空牙板鬧闌干久凭夾衣寒嬋娟薄倖冷相

看

浣溪沙武康社日

碧戶朱窗小洞房
玉醅新壓嫩鵝黃
半青橙子可憐香
風露滿簾清似水
笙簫一片醉爲鄉
芙蓉繡冷夜初長

浣溪沙

松菊秋來好在無
寄聲猿鶴莫情疏
淵明不老久踟躕
打鼓楓林誰作社
枕溪茆屋憶吾廬
去年醉倒倩人扶

扶

浣溪沙

本是青門學灌園
生涯渾在亂山前
一犁春雨種瓜田

別後倩雲遮鶴帳來時和月寄漁船旁人莫做長官

看

浣溪沙 泊望仙橋月夜舟中留客

晚色輕涼入畫船雲峰飛盡玉爲天疏颿自爲月褰簾
細酌流霞君且住更深風月更清妍爲誰淒斷小橋

邊

浣溪沙 訪吳中朋友

錦里無端無素書長安秋晚憶家無故人來此尙踟躕
舊事殷勤休忘了老來淒斷惡消除小樓雪夜記當

初

浣溪沙 松齋夜雨留客戲追往事

記得山翁往少年青樓一笑萬金錢寶鞍逐月玉鞭寒
老對凍醪留客話醉爬短髮枕書眠伴人松雨隔疏

簾

浣溪沙

汎舟還餘英館

煙柳風蒲冉冉斜小窗不用著簾遮載將山影轉灣沙
略約斷時分岸色蜻蜓立處過汀花此情此水共天

涯

浣溪沙

送湯詞

蕙炷猶熏百和穠蘭膏正爛五枝紅風流雲散太恩恩
仙草已添君勝爽醉鄉肯爲我從容賸風殘月小庭

空

浣溪沙 汎舟

銀字笙簫小小童
梁州吹過柳橋風
阿誰勸我玉杯空
小醉徑須眠錦瑟
夜歸不用照紗籠
畫船簾卷月明中

浣溪沙

灩灩金波暖
做春疏疏煙柳瘦
於人柳邊半醉不勝情
未解畫船留待月
緩歌金縷細留雲
將雲帶月入東門

浣溪沙

月夜對梅小酌

蠟燭花中月
滿窗楚梅初試壽
陽妝麒麟爲脯玉爲漿
花影燭光相動蕩
抱持春色入金觴
鴨鑪從冷醉魂

香

天香宴錢塘太守內翰張公作

進止詳華文章爾雅金鑾恩異羣彥塵斷銀臺天低鼇
禁最是玉皇香案燕公視草星斗動昭回雲漢對罷宵
分又是金蓮燭引歸院年來偃藩江畔賴湖山慰公
心眼碧瓦千家少借袴襦餘暖黃氣珠庭漸滿望紅日
長安殊不遠緩轡端門青春未晚

小重山宴太守張公內翰作

碧瓦朱甍紫翠深玻璃屏障裏錦爲城子胥英爽海濤
橫玉堂人於此勸春耕五月政當成巖廊將去路肯
留行江山雄勝爲公傾公惜醉風月若爲情

小重山立春日欲雪

誰勸東風臘裏來不知天待雪惱江梅東郊寒色尙徘徊
雙彩燕飛傍鬢雲堆玉冷曉妝臺宜春金縷字拂
香顯紅羅先繡踏青鞵春猶淺花信更須催

小重山春雪小醉

門外東風糝玉塵曲房花氣藹博山春小槽珠滴桂椒
芬梅蕊綻誰共醉中聞睡起靜無人曲屏橫遠翠錦
爲鄰十年舊事夢如新紅蕤枕猶暖楚峰雲

小重山家人生日

鶴舞青青雪裏松冰開龜在藻綠蒙茸一成不記蕊珠
宮蟠桃熟應待幾東風玉酒紫金鍾非煙羅幕暖寶

熏穠贈君春色臘寒中君留取長伴臉邊紅

滿庭芳

夏曲

爍石炎曦過雲急雨院落槐午陰清藕花開徧綠細一
池萍槽下眞珠溜溜龍團破河朔餘醒闌干外梧桐葉
底金井輓轆聲盈盈開霧帳珊瑚連枕雲母圍屏對
肌膚冰雪自有涼生翠袖風同畫扇拂香篆虬尾斜橫
北窗晚娟娟靜色竹影上簾旌

滿庭芳

西園月夜賞花

馬絡青絲障開紅錦小晴初斷香塵芳醪滿載持燭有
佳人飛蓋西園午夜花梢冷雲月朧明折還惜留花伴
月占定可憐春佳人爭插帽已殘芳樹猶綴餘英任

紅辭香散蝶恨蜂瞋醉也和春戴去深院落初馥鑪熏
玉臺畔未教卸了留映晚妝新

攤聲浣溪沙天雨新晴孫使君宴客雙石堂遣官奴試

小龍茶

日照門前千萬峰晴飆先掃凍雲空誰作素濤翻玉手
小團龍定國精明過少壯次公煩碎本雍容聽訟陰
中苔自綠舞衣紅

攤聲浣溪沙冬至日天氣晏溫從使君步至雙石堂北

望山中微雪因開窗倚目適二柳當前使君命
伐之霍然遂得眾山之妙

日轉堂陰一線添使君和氣作春妍祇有北山輕帶雪

見豐年 殘月夜來收不盡行雲早起更留連急翦垂
楊迎秀色到窗前

攤聲浣溪沙 吳興僧舍竹下與王明之飲

雨色流香繞坐中映階疏竹一叢叢不柰晚來蕭瑟意
子猷風 激灩滿傾金鑿落淋漓從溼繡芙蓉吸盡百
川天上去看長虹

踏莎行 陳興宗夜集俾愛姬出幕

天質嬋娟妝光蕩漾御酥做出花模樣天桃繁杏本妖
妍文鷲彩鳳能偎傍 艾綠濃香鷓黃新釀綠雲清切
歌聲上夜寒不近繡芙蓉醉中祇覺春相向
踏莎行 會宗園初見梅花

映竹幽妍臨池娟靚芳苞先暖香初娠南枝微弄雪精
神東君早寄春音信 奔月仙標乘煙遠韻玉臺粉點
和酥凝從來清瘦可禁寒爲誰早把霞衣褪

踏莎行

蠟梅

栗玉玲瓏雍酥浮動芳跗染得胭脂重風前蘭麝作香
寒枝頭煙雪和春凍 蜂翅初開蜜房香弄佳人寒睡
愁和夢鵝黃衫子茜羅裙風流不與江梅共

踏莎行

正月五日定空寺觀梅

景泮冰檐情同瑤草副能守得春來到管曾獨自索春
憐而今覩著東風笑 粉凝酥寒雲房睡覺胭脂也不
添些小天真要與此花爭是伊占得春多少

踏莎行元夕

撥雪尋春燒燈續晝暗香院落梅開後無端夜色欲遮
春天教月上官橋柳花市無塵朱門如繡嬌雲瑞霧
籠暈斗沈香火冷小妝殘半衾輕夢濃如酒

踏莎行

早春卽事

階影紅遲柳苞黃徧纖雲弄日陰晴半重簾不卷篆香
橫小花初破春叢淺鳳繡猶重鴨鑪長暖屏山翠入
江南遠醉輕夢短枕閒敲綠窗窈窕風光轉

踏莎行

追往事

芳氣霏微薄衣料峭何人正倚桃花笑流紅不出武陵
溪這回空與春風到尊俎全稀風情終較安仁老也

誰知道碧雲無信失秦樓舊時明月猶相照

踏莎行

中秋玩月

碧樹陰圓綠階露滿金波灩灩堆瑤瑤行雲會事不飛
來長空一片瑠璃淺玉燕釵寒藕絲袖冷只應未倚
闌干徧隨人全不似嬋娟桂花影裏年年見

玉樓春

戊寅重陽病中不飲惟煎小雲團一杯薦以菊

花

西風吹冷沈香篆門掩小晴紅葉院臥看黃菊送重陽
露重煙寒花未徧衰翁病怯瑠璃簾日日愁侵霜鬢
短一杯菊葉小雲團滿眼蕭蕭松竹晚

玉樓春僕前年當重九微疾不飲但掇菊葉煎小雲團

用酬節物戲作短句以侑茗飲逮去年曾登山
高會今年客東都依逆旅主人舍無游從不復
出門不知時節之變或云今日重九起坐空庭
月下復取雲團酌一杯蓋用僕故事以送佳節

又作侑茶一首以和韻

泥銀四壁盤蝸篆明月一庭秋滿院不知陶菊總開無
但見杜苔新雨徧去年醉倒雲爲簾未盡百壺驚日
短小雲今夜伴牢愁好在鳳凰春未晚

玉樓春贈孫守公素

三衢太守文章伯七月政成如戲劇坐中欵唾落珠璣
筆下神明飛霹靂才高莫恨溪山窄且與燕公添秀

發風流前輩漸無多好在魏公門下客

玉樓春己卯歲元日

一年滴盡蓮花漏碧井醪酥沈凍酒曉寒料峭尙欺人
春態苗條先到柳佳人重勸千長壽柏葉椒花芬翠
袖醉鄉深處少相知祇與東君偏故舊

玉樓春定空寺賞梅

蕊珠宮裏三千女滴粉爲春塵不住月華冷處欲迎人
七里香風生滿路一枝誰寄長安去想得韶光能幾
許醉翁滿眼玉玲瓏直到煙空雲盡處

玉樓春立春日

小園半夜東風轉吹皺冰池雲母面曉披闥闥見朝陽

知向碧階添幾線
小煙弄柳晴先暖
殘雪禁梅香尙
淺殷勤洗拂舊東君
多少韶華聊借看

玉樓春

至盱眙作

長安回首空雲霧
春夢覺來無覓處
冷煙寒雨又黃昏
數盡一隄楊柳樹
楚山照眼青無數
淮口潮生催曉
渡西風吹面立蒼茫
欲寄此情無雁去

玉樓春

三月三日雨夜觴客

一春花事今宵了
點檢落紅都已少
阿誰追路問東君
祇有青青河畔草
尊前不信韶華老
酒意妝光相借
好檐前暮雨亦多情
未做朝雲容易曉

南歌子

正月二十八日定空寺賞梅

暮靄寒依樹，嬌雲冷傍人。江南誰寄一枝春，何似瓏璁十里更無塵。雨萼胭脂淡，香鬢蝶子輕。碧山歸路小橋橫，誰見暗香今夜月朧明。

南歌子 東堂小酌賦秋月

庭下新生月，憑君把酒看。不須直待素團圓，恰似那人眉樣秀彎環。冷射鴛鴦瓦，清欺翡翠簾。數枝煙竹小橋寒，漸見風吹疏影過闌干。

南歌子 席上和儂守李師文

綠暗藏城市，清香撲酒尊。淡煙疏雨冷黃昏，零落酴醿花片損春痕。潤入笙簫膩，春餘笑語溫。更深不鎖醉鄉門，先遣歌聲留住欲歸雲。

八節長歡送孫守公素

名滿人間記黃金殿舊賜清閒才高鸚鵡賦風懷惠文
冠濤波何處試蛟鱔到白頭猶守溪山且做龔黃樣度
留與人看 桃溪柳曲陰圓離唱斷旌旗卻卷春還襦
袴寄餘溫雙石畔唯聞吏膽長寒詩翁去誰細繞屈曲
闌干從今後南來幽夢應隨月度雲端

八節長歡登高詞

澤國秋深繡楹天近坐久魂清溪山繞尊酒雲霧浥衣
襟餘霞孤雁送鄉愁寄寒閨一點離心杜老兩峰秀處
短髮疏巾 佳人爲折寒英羅袖溼眞珠露冷鈿金幽
豔爲誰妍東籬下卻教醉倒淵明君但飲莫覩他落日

蕪城從教夜龍山清月端的便解留人

驀山溪

楊花

雪空擅徑撲撲憐飛絮柔弱不勝春任東風吹來吹去
牆陰苑外一片落誰家葉依依煙鬱鬱依舊如張緒
那人拈得吹向釵頭住不定卻飛揚滿眼前攪人情悽
蜂兒蝶子教得越輕狂隔斜陽點芳草斷送青春暮
驀山溪 東堂武康縣令舍盡心堂也僕改名東堂治平

中越人王震所作自吳興刺史府與五縣令舍

無得與東堂爭廣麗者去年僕來見其突兀出

翳奮閒而菌生梁上鼠走戶內東西兩便室蛛

網黏塵蒙絡窗戶守舍無有丈夫履聲姑以責

云前大夫憂民勞苦眠飯於簿書獄訟閒是堂也向十餘閒傾撓於蒿艾中鴟嘯其上狐經其下磨鎌澤斧以十夫日往刈之纔可入欲以居人則有覆壓之患取以爲薪則又可憐試擇其螻蟻之全加以斧斤乃能爲亭二爲庵爲齋爲樓各一雖卑隘僅可容膝然清泉修竹便有遠韻又伐惡木十許根而好山不約自至矣乃以生遠名樓畫舫名齋潛玉名庵寒秀陽春名亭花名塢蝶名徑而疊石爲漁磯編竹爲鶴巢皆在北池上獨陽春西窗高山最多又有醑醑一架僕頃少時喜筆硯淺事徒能誦古人紙上語

未嘗與天下史師游以故邑人甚愚其令不以
寄枉直雖有疾苦曾不以告也庭院蕭然鳥雀
相呼僕乃得飽食晏眠無所用心於東堂之上

戲作長短句一首託其聲於驀山溪云

東堂先曉簾挂扶桑暖畫舫寄江湖倚小樓心隨望遠
水邊竹畔石瘦蘚花寒秀陰遮潛玉夢鶴下漁磯晚
藏花小塢蝶徑深深見彩筆賦陽春看藻思飄飄雲半
煙拖山翠和月冷西窗玻瓈瑤蘂蒲萄酒旋落醪醑片
驀山溪上元詞

嬋娟不老依舊東風面華燭下珠軒盛寒裏春光一片
不教暮景也似每常來水精宮銀色界今夜分明見

碧街如水人影花凌亂誰在柳陰中小妝寒落梅數點
詩翁獨倚十二玉闌干露濛濛雲冉冉千嶂瑠璃淺

驀山溪元夕詞

梅花初謝雪後寒微峭誰送一城春綺羅香風光窈窕
插花走馬天近寶鞭寒金波上玉輪邊不是紅塵道
玻璃山畔夜色無由到深下水晶簾擁嚴妝鉛華相照
珠樓縵縵人月兩嬋娟尊前月月月中人相見年年好

臨江仙宿僧舍

古寺長廊清夜美風松煙檜蕭然石闌干外上疏簾過
雲閒窈窕斜月靜嬋娟獨自徘徊無箇事瑤琴試奏
流泉曲終誰見枕琴眠香殘虬尾細燈暗玉蟲偏

臨江仙客有逢故人者代書其情

莫恨那回容易別不妨久遠情腸爲人留下舊風光花
枝長好在馥馥十年香 便是舊時簾外月卻來小檻
低窗朦朧影裏淡梳妝相看如夢寐回首乍思量

洞仙歌中秋

綠煙深處碧海飛金鏡午夜玉階臥桂影淡梳妝相看
露涼時零落瓊漿神京遠唯有藍橋最近 水精簾不
下雲母屏開冷射佳人淡脂粉便總把許多明付與清
尊投曉共流霞傾盡更移取胡牀上南樓看玉做人閒
素秋千頃

剔銀燈同公素賦侑歌者以七急拍七拜勸酒

簾下風光自足春到席閒屏曲瑤甕酥融羽觴蟻鬧花
映鄴湖寒綠汨羅愁獨又何似紅圍翠簇聚散悲歡
箭速不易一杯相屬頻剔銀燈別聽牙板尙有龍膏堪
續羅熏繡馥錦瑟畔低迷醉玉

水調歌頭

擬饒州法曹掾作

金馬空故事方朔漫多端三千牘在玉殿何日賜清閒
難戀長安鐘漏誰借青雲歛唾拂袖且東還笑殺長纓
使復轉出秦關吾道在雖不遇面何慙雒陽年少高
論難與絳侯談富貴暫饒先手晞盡草頭秋露掩鼻出
東山且飽鯨魚膾風月過江南

水調歌頭

登衢州雙石堂呈孫八太守公素

謝安涵雅量叔夜賦剛腸清宵假寐應笑長孺臥淮陽
盡徹東平屏障不廢南樓談詠宴寢自凝香庭下一杯
土須避赤帷裳雙石健含古色照新堂百年喬木陰
下僵立兩蛟蒼目送千山爽氣簾卷一城風月杖屨合
徜徉他日峨眉秀相望隔明光

孫發廳事前古冢得雙石因以爲堂名石上有

昔人題識云疊峨眉
眉山於文會堂前

浣溪沙

竹送秋聲入小窗香迷夜色暗牙牀小屏風掩燭花長
雁過故人無信息酒醒殘夢寄淒涼畫橋露月冷鴛

鴛

武陵春

維嶽分公英特氣萬丈拂長虹丙魏蕭曹總下風千載
友夔龍寶熏嫺翠昏簾繡嘉頌佩紳同不用黃精掃
鬢中元是黑頭翁

武陵春

迎得春來聞好語賀燕立簾鉤轉蕙風光柳弄柔喜氣
與春游萬錢珍鼎期公飯天自壽留侯文物昇平速

置郵江左屬風流

王儉云江左風流
宰相唯_有謝安

武陵春

銀浦流雲初度月空碧掛團團照夜珠胎貝闕寒光彩
滿長安春風爲拂新沙路珂馬款天關篆印金窠紅
屈盤鬼窟押干官

玉樓春

今朝何以為公壽極貴長年公素有庭階不乏長芝蘭
少翁又是廷臣右三能粲粲依魁秀八柱巍巍蟠地
厚皇家卜冊萬斯年年光長轉洪鈞手

玉樓春

我公兩器兼文武談笑巖廊無治古紅顏綠髮已官高
赤舄繡裳今仲父我欲形容無妙語頌穆清風須吉
甫望公聊比泰山雲歲歲年年天下雨

玉樓春

壓玉為漿麟作爵珠樹瓊葩長不謝翠簾繡暖燕歸來
寶鴨花香蜂上下沙隄佩馬催公駕月白風清天不

夜重來赫赫照巖廊不動堂堂凝太華

秦樓月月下觀花

薔薇折一懷秀影花和月花和月著人濃似粉香酥色
綠陰垂幕簾波疊微風過竹涼吹髮涼吹髮無人分
付這些時節

徧地花孫守席上詠牡丹

白玉闌邊自凝竚滿枝頭新彩雲雕霧甚芳菲繡得成
團砌合出韶華好處暖風前一笑盈盈吐檀心向誰
分付莫與他西子精神不枉了東君雨露

夜游宮僕養一鶴逸去因問時以屬鄭德儁家今縣齋

新作陽春亭旁見近山數峰因德儁歸以此語

鶴便知僕居此不落寞也

長記勞君送遠柳煙重桃花波暖花外溪城望不見古
槐邊故人稀秋鬢晚我有凌霄伴在何處山寒雲亂
何不隨君弄清淺見伊時話陽春山數點

訴衷情三月八日仲存席上見吳家歌舞

花陰柳影映簾櫳羅幕繡重重行雲自隨語燕回雪趁
驚鴻銀字歇玉杯空蕙煙中桃花髻暖杏葉眉彎一

片春風

訴衷情七夕

短疏縈綠象牀低玉鴨度香遲微雲淡著河漢涼過碧
梧枝秋韻起月陰移下簾時人閒天上一樣風光我

與君知

醉花陰

檀板一聲鶯起速山影穿疏木人在翠陰中欲覓殘春
春在屏風曲勸君對客杯須覆燈照瀛洲綠西去玉
堂深魄冷魂清獨引金蓮燭

醉花陰

金葉猶溫香未歇塵定歌初徹暖透薄羅衣一霎清風
人映團團月持杯試聽留春闋此箇情腸別分付與
鶯鶯勸取東君停待芳菲節

減字木蘭花

正月十七日孫守約觀殘燈是夕燈火甚

盛而雪消雨作

暖風吹雪洗盡碧階今夜月試覓雲英更就藍橋惜月
明從教不借自有使君家不夜誰道由天光景隨人
特地妍

減字木蘭花

留賈耘老

曾教風月催促花邊煙棹發不管花開月白風清始肯
來既來且住風月閒尋秋好處收取淒清暖日闌干

助夢吟

耘老夢中
嘗作詩

減字木蘭花

李家出歌人

小橋秀絕露溼芙蓉花上月月下人人花樣精神月樣
清誰言見慣到了司空情不慢丞相瞋無若不瞋時
醉倩扶

上林春令十一月三十日見雪

蝴蝶初翻簾繡萬玉女齊回舞袖落花飛絮濛濛長憶
著灞橋別後濃香斗帳自永漏任滿地月深雲厚夜
寒不近流蘇祇憐他後庭梅瘦

帶人嬌

雪做屏風花爲行帳屏帳裏見春模樣小晴未了輕陰
一餉酒到處恰如把春拈上官柳黃輕河隄綠漲花
多處少停蘭槳雪邊花際平蕪疊嶂這一段淒涼爲誰
悵望

帶人嬌約歸期偶參差戲作寄內

短棹猶停寸心先往說歸期喚做的當夕陽下地重城

遠樣風露冷高樓
誤伊等望
今夜孤村月明
怎向依
還是夢回繡幌
遠山想像秋波
蕩漾明夜裏
與伊畫著
眉上

惜分飛富陽水寺秋夕望月

山轉沙回江聲小
望盡冷煙衰草
夢斷瑤臺曉
楚雲何處
英英好
古寺黃昏
人悄悄
簾卷寒堂
月到
不會思量
了
素光看盡
桐陰少

惜分飛富陽僧舍代作別語

淚溼闌干花著露
愁到眉峰碧
聚此恨平分取
更無言語
空相覷
短雨殘雲
無意緒
寂寞朝朝暮暮
今夜山深處
斷魂分付潮回去

惜分飛 酒家樓望其南有佳客招之不至

花影低徊簾幕卷慣了
雙人燕燕驚散雕闌
晚雨昏燈
重垂楊院
雲斷月斜紅燭短
望斷眞箇望斷情寄梅
花點趁風吹過樓南畔

惜分飛

恰則心頭托托地放下了
日多縈係別恨還容易
袖痕猶有年時淚
滿滿頻斟乞求醉
且要時閒忘記明日
劉郎起馬蹄去便三千里

蝶戀花

聽周生鼓琵琶

聞說君家傳窈窕秀色
天真更奪丹青妙
細意端相都
總好春愁春媚生鬢笑
瓊玉胸前金鳳小
那事殷勤

總託琵琶道十二峰雲遮醉倒華燈翠帳花相照

蝶戀花

秋晚東歸留吳會甚久無一人往還者

江接寒溪家已近想見秋來松菊荒三徑目送吳山秋色盡星星卻入雙蓬鬢
鳧短鶴長真箇定勳業來遲不用頻看鏡懶出問人人不問綠尊倒盡橫書枕

蝶戀花

戊寅秋寒秀亭觀梅

相見江南情不少爾許多時怪得無消耗淡日暖雲句引到闌干寂寞憐春小
宮面可忤勻畫了粉瘦酥寒一段天真好喚起玉兒嬌睡覺半山殘月南枝曉

蝶戀花

寒食

紅杏梢頭寒食雨燕子泥新不住飛來去行傍柳陰聞

好語鶯兒穿過黃金縷
桑落酒寒杯懶舉
總被多情做得無情緒
春過二分能幾許
銀臺新火重簾暮

蝶戀花東堂下牡丹僕所栽者清明後見花

三疊闌干鋪碧鰲
小雨新晴纔過清明後
初見花玉披
袞繡嬌雲瑞日明
春晝彩女朝眞天質秀
寶髻微偏風卷霞衣皺
莫道東君情最厚
韶光半在東堂手

蝶戀花春夜不寐

紅影斑斑吹錦片
露葉煙梢寒月娟娟滿
更起繞庭行
百遍無人祇有棲鶯見
覓箇薄情心對換
愁緒偏長不信春宵短
正是碧雲音信斷
半衾猶賴香熏暖

蝶戀花席上和孫使君孫暮春當受代

城上春雲低閣雨漸覺春隨一片花飛去素頸圓吭鶯
燕語不妨緩緩歌金縷 墮紀頽綱公已舉但見清風
蕭瑟隨談緒借寇假饒天不許未須忙遣韶華暮

蝶戀花送茶

花裏傳觴飛羽過漸覺金槽月缺圓龍破素手轉羅酥
作顛鵝溪雪絹雲腴墮 七椀能醒千日臥扶起孫山
嫌怕香塵浣醉色輕鬆留不可清風停待些時過

蝶戀花敲枕

不雨不晴秋氣味酒病秋懷不做醒鬆地初換夾衣圍
翠被薔薇水潤衙香膩 旋折秋英餐露蕊金縷蚪團
更試康王水幽夢不來尋小睡無言劃盡屏山翠

更漏子 熏香曲

玉狻猊金葉暖馥馥香雲不斷長下著繡簾重怕隨花
信風 傍薔薇搖露點衣潤得香長遠雙枕鳳一衾鸞
柳煙花霧閒

更漏子 初秋雨後聞鶯吟

綠窗寒清漏短帳底沈香火暖殘燭暗小屏彎雲峰遮
夢還 那些愁推不去分付一檐寒雨檐外竹試秋聲
空庭鶴喚人

更漏子 和孫公素汎舟觀競渡

柳藏煙雲漏日寒滿雕盤玉食風卷旆水搖天魚龍挾
彩船 水邊人波面樂太守與民同樂春好處總隨軒

花中誰狀元

京妓以色勝者爲狀元紅

西江月次韻孫使君賞花見寄時僕武康待次

花下春藏五馬松
閒風落雙鳧
兵廚玉帳卷鄴湖
人醉碧雲欲暮
歸去聊登文石
翱翔便是天衢
雅歌誰解
繼投壺桃李無言滿路

西江月縣圃小酌

煙雨半藏楊柳風
光初到桃花
玉人細細酌流霞
醉裏將春留下
柳畔鴛鴦作伴
花邊蝴蝶爲家
醉翁醉裏也隨他
月在柳橋花榭

西江月長安秋夜與諸君飲分題作

雨後夾衣初冷
霜前細菊渾斑
觚稜清月繡團
環萬里

長安秋晚 槽下內家玉滴盤中江國金丸春容著面
作微殷燭影紅搖醉眼

西江月侑茶詞

席上芙蓉待暖花閒騾褱還嘶勸君不醉且無歸去
誰人惜醉 湯點餅心未老乳堆瓊面初肥留連能得
幾多時兩腋清風喚起

青玉案新涼

芙蓉花上濛濛雨又冷落池塘暮何處風來搖碧戶卷
簾凝望淡煙疏柳翡翠穿花去 玉京人去無由駐恁
獨坐憑闌處試問綠窗秋到否可人今夜新涼一枕無
計相分付

青玉案竹閒戲作

玉嬰初有排雲分向晚色娟娟靜秋入風枝清不盡月
和粉露徘徊孤映獨夜扶疏影子猷風調全相稱是
彼此無凡韻玉勒前頭花柳近水邊石上冷依煙雨時
有幽人問

青玉案戲贈醉妓

玉人爲我殷勤醉向醉裏添姿媚偏著冠兒釵欲墜桃
花氣暖露濃煙重不自禁春意綠榆陰下東行水漸
漸近淒涼地明月侵牀愁不睡眉兒吃皺爲誰無語閣
住陽關淚

青玉案

今宵月好來同看月未落人還散
把手留連簾兒畔含羞和恨轉添
盼恁花映春風面相思不用寬金釧也
不用多情似玉燕問取嬋娟學長遠
不必清光夜夜見但莫負團圓願

河滿子夏曲

急雨初收珠點雲峰巉絕天半
輓轡金井卷甘冽簾外翠陰遮
徧波翻水精重簾秋在琉璃雙
簾漏永流花緩緩未放掩
岷晚晚紅荷綠芰暮天好小
宴水亭風館雲亂香噴寶鴨
月冷釵橫玉燕

謁金門昔游

燈霧裏老去昔游不記月似舊時
人不似小樓何處是

歸臥晚香翠被玉酒著人小醉欲睡先來都不睡此
情那恁地

七娘子舟中早秋

山屏霧帳玲瓏碧更綺窗臨水新涼入雨短煙長柳橋
蕭瑟這番一日涼一日離多綠鬢多時白這離情不
似而今惜雲外長安斜暉脈脈西風吹夢來無迹
七娘子和賀方回登月波樓

月光波影寒相向借團團與做長壕樣此老南樓風流
可想殷勤冰彩隨人上欲同次道傾家釀有兵廚玉
盎金波漲雲外歸鴻煙中飛槩五湖秋興心先往
雨中花下汴月夜

寒浸東傾不定更柰艣聲催緊隄樹隴明孤月上暗淡
移船影 舊事十年愁未醒漸老可禁離恨今夜誰知
風露裏日斷雲空盡

雨中花 武康秋雨池上

池上山寒欲霧竹暗小窗低戶數點秋聲侵短夢檐下
芭蕉雨 白酒浮蛆雞啄黍問陶令幾時歸去溪月嶺
雲紅蓼岸總是思量處

夜行船

雨夜泊吳江明日過垂虹亭

寒滿一衾誰共夜沈沈醉魂朦鬆雨呼煙喚付淒涼又
不成那些好夢 明日煙江口暝矇扁舟係一行蝮蝨
季鷹生事水瀰漫過鱸船再三目送

夜行船餘英溪汎舟

弄水餘英溪畔綺羅香日遲風慢桃花春浸一篙深畫
橋東柳低煙遠漲綠流紅空滿眼倚蘭橈舊愁無限
莫把鴛鴦驚飛去要歌時少低檀板

鵲橋仙春院

紅摧綠剝鶯愁蝶怨滿院落花風緊醉鄉好夢恰瞢騰
又冷落一成吹醒柔紅不耐暗香猶好覷著翻成不
忍春心減盡眼長閒更肯被游絲牽引

鵲橋仙燭下看花

水精簾外沈香闌畔新下紅油畫幕百花何處避芳塵
便獨自將春占卻月華淡淡夜寒森森猶把紅燈照

著醉時從醉不歸家賢守定不教冷落

燭影搖紅松窗午夢初覺

一畝清陰半天瀟灑松窗午牀頭秋色小屏山碧長垂
煙縷枕畔風搖綠戶喚人醒不教夢去可憐恰到瘦
石寒泉冷雲出處

燭影搖紅送會宗

老景蕭條送君歸去添淒斷贈君明月滿前溪直到西

湖畔門掩綠苔應徧爲黃花頻開醉眼橋奴無恙蝶

子相迎寒窗日短會宗小齋名夢蝶前植橘東偏甚廣

燭影搖紅歸去曲

鬢綠飄蕭漫郎已是青雲晚古槐陰外小闌干不負看

山眼 此意悠悠無限有雲山知人醉懶他年尋我水
邊月底一蓑煙短

憶秦娥

冬夜宴東堂

醉醉醉擊珊瑚碎花先借春光與酒家 夜寒我醉
誰扶我應抱瑤琴臥清清攬月吟風不用人

憶秦娥

二月二十三日夜松軒作

夜夜夜了花朝也連忙指點銀鉞索酒嘗 明朝花落
知多少莫把殘紅掃愁人一片花飛減卻春

武陵春

正月二日天寒欲雪孫使君置酒作樂賓客插

花劇飲明日當立春

坡上落梅風料峭寒馥逼清尊爽興天教屬使君雪意

壓歌雲 插帽殷羅金縷細
燕燕早隨人 留取笙歌直
到明 蓮漏已催春

武陵春

正月十四夜孫使君席上觀雪繼而月復明

風過冰檐環佩響宿霧在華茵
賸落瑤花襯月明 嫌怕
有纖塵 鳳口銜燈金炫轉人
醉覺寒輕但得清光解
照人不負五更春

武陵春

正月七日成都雪霽立春

春在前村梅雪裏一夜到千門
玉佩瓊琚下冷雲銀界
見東君 桃花髻暖雙飛燕
金字巧宜春 寂寞溪橋柳
弄晴老也探花人

點絳脣 月波樓中秋作

高柳橫斜冷光凌亂搖疏翠露荷珠綴照見鴛鴦睡

□□□□□□□□□□□□□□□□□□□□□□□□□□□□

點絳脣家人生日

柏葉春醕爲君競酌玻璃琖玉簫牙管人意如春暖

鬢綠長留不使韶華晚春無限碧桃花畔笑看蓬萊淺

點絳脣月波樓重九作

手撫歸鴻坐臨煙雨簾旌潤氣清天近雲日溫闌楯

壓玉浮金一醉留青鬢風光勝淡妝人靚眉黛生秋暈

點絳脣家人生日

何處君家蟠桃花下瑤池畔日遲煙暖占得春長遠

幾見花開一任年光換今年見明年重見春色如人面

點絳脣 武都靜林寺妙峰亭席上作假山前引水激起

數尺

秀嶺寒青冷泉凌亂催秋意佩環聲裏無限眞珠碎
歎我平生識盡閒滋味來閒地爲君一醉萬事浮雲外
點絳脣 醉中記游一處復尋不果

小院重簾那回來處花相向遲遲一餉記得春模樣
昨夜月明應照芙蓉帳空凝望蜂勞蝶攘誰在花枝上

點絳脣 惠山夜月贈鼓琴者時作流水弄

繡嶺橫秋玉螭吹暑迎涼氣碧崖流水流入春蔥指
半倚朱絃微彈連環珥通深意月明風細分付知音耳
如夢令

深苑重調絃管不覺銀臺燭短相對有金波天畔樓中
都滿人遠人遠醉倚闌干玉冷

玉樓春

紅梅

當日嶺頭相見處玉骨冰肌元淡竚近來因甚要濃妝
不管滿城桃杏妒酒暈臉霞春暗度認是東皇偏管
顧生羅衣褪爲誰羞香冷熏鑪都不覩

生查子

登高詞

鱸蟹正肥時煙雨新涼日露蕊鬱金黃雲液蒲萄碧
此日古爲佳此醉君寧惜高掛水精簾盡放秋光入

生查子

春日

日照小窗紗風動重簾繡寶炷暮雲迷曲沼晴漪皺

煙暖柳醒鬆雪盡梅清瘦恰是可憐時好似花穠後

生查子

釵上燕猶寒勝裏紅偏小恰有爾多春不許羣花笑
酒面粉酥融香袖金泥罩芳意已潛通殘雪猶相照

生查子

富陽道中

春晚出山城落日行江岸人不共潮來香亦臨風散
花謝小妝殘鶯困清歌斷行雨夢魂消飛絮心情亂

生查子

花地錦斑殘月箔波凌亂鬪鳴玉闌旁撲獸金鑪畔
小醉柰春何輕夢催雲散卻步蕙蘭中應被鴛鴦見

浪淘沙生日

深院繡簾垂前日春歸畫橋楊柳弄煙霏池面東風先
解凍龜上漣漪酒斂玉東西香暖狻猊遠山鬱秀入
雙眉待看碧桃花爛漫春日遲遲

菩薩蠻次韻秀倅送別

玉卮細酌流霞溼金釵翠袖勤留客行色小梅殘官橋
楊柳寒 賜環宣室夜看落金蓮他人記海聽康流風
秀水旁

菩薩蠻代贈

端端正正人如月孜孜媚媚花如頰花月不如人眉
眼眼青 沈香添小炷共挹熏鑪語香解著人衣君心
蝴蝶飛

菩薩蠻定空賞梅

含章檐下眉如月
雍酥和粉描疏雪
桃杏莫爭春
凌風臺畔人
如今千萬樹
零亂孤村雨
和雨滴瑤觴
歸來肌骨香

菩薩蠻重陽

淡煙疏雨東籬曉
菊團淒露眞珠小
青蕊抱寒枝
因誰特故遲
曾是騷人盼
羞做茱萸伴
揉破鬱金黃
與君些子香

菩薩蠻

溪山不盡知多少
遙峰秀疊寒波渺
攜酒上高臺
與君開壯懷
枉做悲秋賦
醉後悲何處
白髮幾黃花
官裘

付酒家

菩薩蠻

富陽道中

春潮曾送離魂去
春山曾見傷離處
老去不堪愁憑闌
看水流
東風留不住
一夜檐前雨
明日覓春痕
紅疏桃杏村

菩薩蠻

新城山中雨

雲山沁綠殘
眉淺垂楊睡
起腰肢
輒不見
玉妝臺
飛花將恨來
行雲何事惡
雨透羅衣薄
不忍溼殘春
黃鶯啼向人

菩薩蠻

贈舞侶

當時學舞鈞
天部驚鴻吹下江湖去
家住百花橋
何郎

偏與嬌
杏梁塵拂面
牙板聞鶯燕
勸客玉梨花
月侵

釵燕斜

漁家傲

戊寅冬以病告臥潛玉時時策杖寒秀亭下作

漁家傲三首

年少莫尋潛玉老
無才無藝煩君笑
暖過茆檐霜日曉
休起早
竹閒盡日無人到
別徑小峰孤
碧峭曲溝淺
浸寒清
繞此老相看
情不少
渾忘了
渾然忘了
長安道

漁家傲

恰則小庵貪睡著
不知風撼梅花落
一點兒春吹去卻
香約略黃蜂猶抱紅酥萼
繞徧寒枝添索寞
卻穿竹
徑隨孤鶴守定微官
眞箇錯從今莫從今
莫負雲山約

漁家傲

鬢底青春留不住功名薄似風前絮何似瓿頭春沒數
都占取祇消一紙長門賦寒日半窗桑柘暮倚闌目
送繁雲去卻欲載書尋舊路煙深處杏花菖葉耕春雨
于飛樂和太守曹子方

水邊山雲畔水新出煙林送秋來雙檜寒陰檜堂寒香
霧碧簾箔清深放衙隱几誰知共雲水無心望西園
飛蓋夜月到清尊爲詩翁露冷風清退紅裙云碧袖花
草爭春勸翁強飲莫孤負風月留人

于飛樂

代人作別後曲

記嘗騰濃睡裏一片行雲未多時夢破雲驚聽轆轤聲

斷也并底銀餅不如羅帶等閒便結得同心繫畫船
楊柳岸曉月亭亭記陽關斷韻殘聲被西風吹玉枕酒
魄還清有些言語獨自箇說與誰磨

于飛樂別筵贈歌妓姊妹

竝梅兒雙蝶子煙縷衫輕鳳凰釵繚繞香雲淡梳妝口
得恁雪膩酥勻揉春捻就更是他花與精神黛尖低
桃萼破微笑輕顰早做成役夢勞魂好風前佳月下莫
忘行人扁舟去也沒箇事多樣離情

阮郎歸借春

映階芳草淨無塵新晴隔柳陰綠絲步障碧茸茵遮藏
欲盡春寒未了酒須深殘花無處尋年來陪盡惜春

心閒愁漸不禁

阮郎歸

雨餘煙草弄春柔
芳郊翠欲流
暖風時轉柳花毬
晴光爛不收
紅盡處
綠新稠
穠華只暫留
卻應留下等閒
愁令人雙鬢秋

虞美人

東園賞春見柳日照杏花甚可愛

游人莫笑東園小
莫問花多少
一枝半朵惱人腸
無限
姿姿媚媚倚斜陽
二分春去知何處
賴是無風雨
更將繡幕密遮花
任是東風急性不由他

虞美人

百花趕定東君去
知與花何處
陽春但更買花栽
留住

蜂兒蝶子等君來
翠輕綠嫩庭陰好
醉便眠芳草
春波如酒不曾空
誰見東堂日日自春風

虞美人官妓有名小者坐中乞詞

柳枝卻學腰肢嫋
好似江東小
春風吹綠上眉峰
秀色欲流不斷眼波融
檐前月上燈花墮
風遞餘香過
小歡雲散已難收到處
冷煙寒雨爲君愁

洛陽春

東歸代同舟寄遠

月下風前花畔
此情不淺欲留風月
守花枝卻不道而今遠
檣外鷺飛沙晚煙斜雨短
青山祇管一重重向東下
遮人眼

散餘霞

牆頭花口寒猶噤放繡簾晝靜簾外時有蜂兒趁楊花
不定闌干又還獨凭念翠低眉暈春夢枉惱人腸更
厭厭酒病

最高樓散後

微雨過深院芰荷中香冉冉繡重重玉人共倚闌干角
月華猶在小池東入人懷吹鬢影可憐風分散去輕
如雲與夢賸下了許多風與月侵枕簟冷簾櫳副能小
睡還驚覺略成輕醉早醒鬆仗行雲將此恨到眉峰
最高樓春恨

新睡起熏過繡羅衣梳洗了百般宜東風淡蕩垂楊院
一春心事有誰知苦留人嬌不盡曲眉低漫良夜月

圓空好意恐落花流水終寄恨悲歡往往相隨鳳臺癡
望雙雙羽高唐愁著夢同時又爭如遵大路相逢伊
少年游長至日席上作

遙山雪氣入疏簾羅幕曉寒添愛日騰波朝霞入戶一
線過冰檐綠尊香嫩蒲萄暖滿酌破冬嚴庭下早梅
已含芳意春近瘦枝南

粉蝶兒

雪徧梅花素光都共奇絕到窗前認君時節下重幃香
篆冷蘭膏明滅夢悠揚空繞斷雲殘月沈郎帶寬同
心放開重結褪羅衣楚腰一捻正春風新著摸花花葉
葉粉蝶兒這回共花同活

調笑

掾白語

竊以綠雲之音不羞春燕結風之袖若翩秋鴻勿謂花月之無情長寄綺羅之遺恨試爲調笑戲追風流少延重客之餘歡聊發清尊之雅興

詩詞

珠樹陰中翡翠兒莫論生小被雞欺鵲樓高蕩春思秋餅盼碧雙瑠璃御酥作肌花作骨燕釵橫玉雲堆髮使梁年少斷腸人凌波襪冷重城月城月冷羅襪郎睡不知鸞帳揭香淒翠被燈明滅花困釵橫時節河橋楊柳催行色愁黛有人描得

右一崔徽

隼旟佩馬昌門西
秦娘紺幘爲追隨
河橋春風弄鬢影
桃花髻暖黃蜂飛
繡茵錦薦承回雪
水犀梳斜抱明月
銅駝夢斷江水長
雲中月墮韓香歇
香歇袂紅鞦記立
河橋花自折隼旟
紺幘城西闕教妾
驚鴻同雪銅駝春
夢空愁絕雲破碧
江流月

右二秦娘

武寧節度客最賢
後車擣藻爭春妍
曲眉豐頰亦能賦
惠中秀外誰取憐
花嬌葉困春相逼
燕子樓頭作寒食
月明空照合歡牀
霓裳罷舞猶無力
無力倚瑤瑟罷舞
霓裳今幾日樓空
雨小春寒逼鈿暈

羅衫煙色簾前歸燕看人立卻趁落花飛入

右三盼盼

臨邛重客蜀相如被服容冶人閑都上宮煙娥笑迎
客繡屏六曲紅氍毹霰珠穿簾洞房晚歌倚瑤琴半
羞懶天寒日暮可奈何挂客冠纓玉釵冷

釵冷鬢雲晚羅袖拂人花氣暖風流公子來應遠半倚
瑤琴羞懶雲寒日暮天微霰無處不堪腸斷

右四美人賦

寒雲夜卷霜倒飛一聲水調凝秋悲錦靴玉帶舞回
雪丞相筵前看柘枝河東詞客今何地密寄軟綃三
尺淚錦城春色隔瞿唐故華灼灼今憔悴

憔悴何郎地密寄輭綃三尺淚傳心語眼郎應記翠袖
猶芬仙桂願郎學做蝴蝶子去去來來花裏

右五灼灼

春風戶外花蕭蕭綠窗繡屏阿母嬌白玉郎君恃恩
力尊前心醉雙翠翹西廂月冷濛花霧落霞零亂牆
東樹此夜靈犀已暗通玉環寄恨人何處

何處長安路不記牆東花拂樹瑤琴理罷霓裳譜依舊
月窗風戶薄情年少如飛絮夢逐玉環西去

右六鶯鶯

白蘋溪邊張水嬉紅蓮上客心在誰丹山鸞雛雜鷗
鷺暮雲晚浪相透迤十年東風未應老斗量明珠結

里媪花房著子青春深朱輪來時但芳草
芳草恨春老自是尋春來不早落花風起紅多少記得
一枝春小綠陰青子空相惱此恨平生懷抱

右七哲子

半天高閣倚晴江使君宴客羅紈香一聲離鳳破疑
碧洞房十三春未央□□□□□□□□□□□□□□□□
□□佩瑤棄置洛城東風流雲散空相望
相望楚江上縈水繚雲聞妙唱龍沙醉眼看花浪正要
風將月傍雲車瑤佩成惆悵衰柳白鬢相向

右八張好好

破子

酒美從酒貴，濯錦江邊花滿地。
鷓鴣換得文君醉，暖和一團春意。
怕將醒眼看浮世，不換雲芽雪水。

破子

花好怕花老，暖日和風將養到。
東君須願長年少，圖不看花草。
西園一點紅，猶小早被蜂兒知道。

遣隊

歌長漸落杏梁塵，舞罷香風卷繡茵。
更擬綠雲弄清切，尊前恐有斷腸人。

感皇恩 解秀州郡印次王倅韻

兩歲撫邦人，曾無恩意別後。何人更相記，題輿玉樹愧。
與蒹葭相倚，殷勤猶念我同吟醉。畫舸相追，孤城已

閉不道扁舟口雲外夜分月冷一段波平風細憶君清
興滿無由寄

感皇恩 鎮江待聞

綠水小河亭朱闌碧甃江月娟娟上高柳畫樓縹緲盡
掛窗紗簾繡月明知我意來相就銀字吹笙金貂取
酒小小微風弄襟袖寶熏濃炷人共博山煙瘦露涼釵
燕冷更深後

感皇恩 晚酌

多病酒尊疏飲少輒醉年少銜杯可追記無多酌我醉
倒阿誰扶起滿懷明月冷鑪煙細雲漢雖高風波無
際何似歸來醉鄉裏玻瓈江上滿載春光花氣蒲萄仙

浪輒迷紅翠

臨江仙 都城元夕

聞道長安燈夜好
雕輪寶馬如雲蓬萊清淺對觚棱
玉皇開碧落銀界失黃昏
誰見江南憔悴客
端憂懶步芳塵
小屏風畔冷香凝
酒濃春入夢
窗破月尋人

東堂詞校記

水調歌頭

增宋重

闕六璽

洗淨

原本增作曾璽作重洗作先竝

從錢塘丁氏藏明鈔本

闕碎亂

明本碎作錯

垂衣十字

原本缺從明本

絳都春

城南

明本南作西

難老

看公身

原本脫竝從明本

清平樂

重九

雛鳳

原本雛作離從明本

又九

九莖

原本莖作金從明本

玉筵

明本筵作送旁改作英

又餘

壽骨

明本壽眉本壽

又雲

仙風

明本仙作竹

又曲

那與

歷代詩餘那作遞

又風

池燼

明本池作燭

又桃

杏好

按好字與下句韻複疑誤

又深杯 莓苔原本莓作

浣溪沙月樣 索強先占原本索字先字並

又晚色 小花按花字 索衣原本索作

又得記 金錢原本金作

又銀字 照紗籠明本照

天香 最是原本是字

滿庭芳爍石 過雲原本過作

又馬絡 滿載原本脫

踏莎行竹賦 題會宗原本宗作寶 從明本按會宗沈文

踏莎行玉栗 栗玉 芳跗原本栗作栗跗 從明本按會宗沈文

又景 副能歷代詩餘

又碧樹由冷歷代詩餘

玉樓春西風小晴原本晴作窗从明本

又泥銀題曾登山明本曾作頗

又蕊珠煙空明本煙作天

又春一妝光原本妝作韶从明本

八節長歡名應隨明本無應字

又澤便解明本無便字

驀山溪東堂題蛛網黏塵明本此下有異句小有異

臨江仙莫恨好在原本在字脱从明本

洞仙歌相看明本無

夜游宮題逸去因問時明本無逸因問三字

訴衷情

淡著

原本著作
暑从明本

減字木蘭花

暖風

惜月明

按惜字
疑借誤

惜分飛

鬪其南

原本南作
商从明本

又影

香

原本香作熏
歷代詩餘

更漏子

柳藏

水邊

原本邊作
遠从明本

河滿子

甘冽

原本甘作紺
歷代詩餘

謁金門

燈霧

原本霧作
叢从明本

七娘子

月光

先往

原本先作
無从明本

雨中花

池上

山寒

原本山作
小从明本

燭影搖紅

一畝

瀟灑

原本作蕭
雨疑誤

碧長

原本長
作漲

點絳脣

手撫

人靚

原本靚作
貌从明本

又處同占得原本占作

又秀嶺浮雲原本浮作

玉樓春 褪為誰原本脫从

如夢令 玉冷按冷字失叶然卷中踏莎行

菩薩蠻 題秀倅原本倅字海聽按聽字疑誤明本

又章合題賞梅原本梅字

又煙淡抱寒枝原本抱作

于飛樂 云碧按云字

又記題別後原本後作

又並題別筵贈原本筵字在淡梳妝口得恁原本作

狀得恁从明本

阮郎歸

階映

寒未了十七字

原本缺
从明本

最高樓

睡新

落花流水

按律疑當作
流水落花

遵大路

粉蝶兒

重幃

明本幃
作幃

調笑

崔徽詩寫肌

明本寫
作

又望

相向

原本向
作

感皇恩

兩歲

題

原本脫
从明本

兩歲

原本兩
作

月冷

風細

原本

冷字缺細作
相並从明本

又多

江上

原本江
作

東堂詞一卷璜川吳氏影寫宋詞凡二百二首與

毛刻正合其譌脫亦有同者而前後編次絕異直

齋書錄解題稱東堂樂府二卷今東堂集久佚

四庫從永樂大典輯存謂其詞毛氏已刊別著於錄則當時更未睹有別本可知老友吳甘遜移寫見示並據樂府補題補水調歌頭元會曲垂衣二句據全芳備祖補玉樓春詠紅梅生羅衣褪句而猶不能無誤乃以丁氏善本書室藏明鈔本校訂如右原鈔經仁和勞氏收藏有染蘭小印甘遜謂染蘭卽巽卿姬人陳氏雙聲小字尙欲詳攷紀年以補碎金跋尾也宣統強圉大荒落之歲朱孝臧跋

言錄既烈于天... 人望乃... 小... 言... 支... 也... 月... 四...

寶晉長短句目錄

西江月

菩薩蠻

水調歌頭

漁家傲

醜奴兒

滿庭芳

減字木蘭花二

點絳脣

阮郎歸

蝶戀花

訴衷情二

鷓鴣天二

浪淘沙

寶晉長短句

襄陽 米芾 元章

西江月

溪面荷香粲粲林端遠岫青青楚天秋色太多情雲卷
煙收風定 夜靜冰娥欲上夢回醉眼初醒玉餅未恥
有新聲一曲請君來聽

菩薩蠻

蒹葭風外煙籠柳數疊遙山眉黛秀微雨過江來煩襟
爲一開 沙邊臨望處紫燕雙飛語舉酒送飛雲夜涼
愁夢頻
水調歌頭

砧聲送風急。蟋蟀思高秋。我來對景不學宋玉解悲愁。
收拾淒涼興。況分付尊中醪醑。倍覺不勝幽。自有多情
處。明月挂南樓。悵襟懷。橫玉笛韻悠悠。清時良夜借
我此地。倒金甌。可愛一天風物。徧倚闌干。十二宇宙若
萍浮。醉困不知醒。敲枕臥江流。

漁家傲金山

昔日丹陽行樂裏。紫金浮玉臨無地。寶閣化成彌勒世。
龍宮對時時。更有天花墜。浩渺一天秋水。至鯨鯢鼓鬣
連山沸。員嶠岱輿更。鬣鳳無根蒂。莫教龍伯邦人戲。
醜奴兒

踟躕山下。濡須水。我更委佗。物阜時和。迨暇相逢笑復

歌 江湖樓上凭闌久極目滄波天鑑如磨偏映華簪

雪一窩

滿庭芳 紹聖甲戌暮春與周熟仁試賜茶書此樂章

雅讌飛觴清譚揮塵使君高會羣賢密雲雙鳳初破縷

金團窗外鑪煙自動開餅試一品香泉輕濤起香生玉

杵雪濺紫甌圓 嬌鬟宜美盼雙檠翠袖穩步紅蓮坐

中客翻愁酒醒歌闌點上紗籠畫燭花驄弄月影當軒

頻相顧餘歡未盡欲去且留連

減字木蘭花 漣水登樓寄趙伯山

雲閒皓月光照銀淮來萬折海岱樓中拂袖雄披楚岸

風 醉餘清夜羽扇綸巾人入畫江遠淮長舉首宗英

醒更狂

又

平生真賞紙上龍蛇三五行富貴功名老境誰堪寵辱
驚寸心誰語只有當年袁與許歸到寥陽玉簡霞衣
侍帝旁

點絳脣

莘野寥寥渭濱漠漠情何限萬重堆案懶更重經眼

兒輩休驚頭上霜華滿功名晚水雲蕭散漫就驛亭看

阮郎歸

海岱樓與客酌別作

雙雙鴛鴦戲蘋洲幾行煙柳柔一聲長笛咽清秋碧雲
生暮愁鉤月挂綺霞收浦南人泛舟娟娟何處燭明

眸相望徒倚樓

蝶戀花

千古漣漪清絕地
海岱樓高下瞰秦淮
尾水浸碧天天
似水廣寒宮闕人閒世
靄靄春和生海市
鼇戴三山頃刻隨輪至
寶月圓時多異氣
夜光一顆千金貴

訴衷情獻汲公相國壽

薰風吹動滿池蓮
曉雲樓閣鮮繡閣華堂
嘉會齊拜玉鑪煙
斟美酒奉觥船
祝芳筵宜春耐夏多福莊嚴富貴長年

又思歸

勞生奔走困粗官
攬鏡鬢毛斑物外平生蕭散微宦興

闌珊 奇勝處每凭闌定忘還好山如畫水繞雲縈無
計成閒

鷓鴣天 獻汲公相國壽

暖日晴烘候小春際天和氣與精神靈臺靜養千年壽
丹竈全無一點塵 壽彭祖壽廣成華陽仙裔是今身
夜來銀漢清如洗南極星中見老人

又

雲液無聲白似銀紅霞一抹百花新觴多莫厭頻頻勸
一片花飛減卻春 蜂翅亂蝶眉顰花閒啼鳥勸遊人
人生無事須行樂富貴何時且健身

浪淘沙

祝壽慶生申德日維新期頤眉壽壽長春五福三靈祿
永永長壽仙人遐算等莊椿□德康寧年年歡會笑
欣欣歲歲仰依□壽域彭祖廣成

Blank page with vertical lines for text columns.

寶晉長短句校記

西江月蔣氏別下齋叢書本題作秋興

菩薩蠻蔣本題作擬古

水調歌頭蔣本題作中秋南樓蔣本南作高悵襟懷按悵疑當作暢

醜奴兒蔣本題作見白髮

滿庭芳原本題末有中岳外史米元章書八字玉杵原本杵作塵从鮑涿飲鈔山林

拾遺本紅蓮蔣本紅作金

減字木蘭花二蔣本題作展書卷三五行蔣本行作丈

點絳脣蔣本題作示智懶更蔣本懶作那漫就驛亭鮑本作漫袖蘭亭

相望原本相作想从蔣本

蝶戀花蔣本題作海岱樓望月作

賀交

訴衷情 吹動鮑本動

又 困粗官 蔣本困

鷓鴣天 二 蔣本 雲液 蔣本雲

浪淘沙 原作漫成 雲液 蔣本雲
帖原本注新增見英光堂
字蔣本題作祈壽